

山陽道稿

和名
1801
4





山陽遺稿卷之一

賴襄 子成著


丙戌

元日

曉光明暗動窻櫺。曆入新年微雨中。九陌輕肥各人事。一園梅柳自春風。無情霜更添髭白。有力酒能回頰紅。卻笑妻兒修禮俗。辛盤聊與四鄰同。

觀梅翌日作

昨遊陳跡夢闌殘。酒醒窻白曉光寒。唯有折來梅現在。一枝著意插香。



再觀梅伏水

再理吟筇出郭來料知香雪五分開
腳跟不到權門闕卻為梅花走兩回

○梁伯兔歸濃過京畱之數日

歸心雖急未須還卸擔京城春正闌
閣雨春雲如卵色養花幾日與君看

讀玄宗紀

明皇初執郭元振用振威刑而後來安錄山敗軍不誅是開天治亂大分也

代公頸上凜霜鋒
纛影飄風殺氣濃
黃鉞佗年截那處曾無屠割到豬龍

秋仲同春琴春村遊嵯峨宿三家店

詩卷之一

擬向嵐山看月明
侵蹊秋草少人行
春來脆管嬌絃地半是蟲聲半水聲

十三夕

繞欄秋漲尺來多
病盡其如風露何
乘月捕魚誰氏子幾回舉網澆金波

中秋前後連夜無月

咄咄銀蟾奈汝何
秋雲黏水逐霄多
作意呼燈又呼酒向吾掌上起金波

茶二首

竹鼎沙餅從喚呼
愛看魚眼濺為珠
卅年嘗盡人間味獨

有心情向酪奴

採時宜及旗槍際煮候當論老嫩間最愛風爐火紅處恍
聞蟬語過秋山

內藤士謙將發招吾夫妻畱別於樵巷時有斛種丹
桂來供者分桂子天香句得子字

盆栽秋桂丹杯泛暮山紫離席豈他人佳招攜內子紅塵
君已歸青眼誰相視咲指階前水交情長若此

席上內子作蘭戲題贈士謙

荆釵藜杖接清歡夫作崢嶸妻作蘭渠瘦儂頑誰寫愛一
家風味與君看

哭妹

忽得凶音讀復疑秋前猶有寄兄詞形容自覺倍枯槁老
樹相連唯一枝

今津某氏園栽牡丹索詩

權籬護得牡丹芽不是尋常百姓家欲咲柴桑春寂寞唯
鋤三逕種秋花

田圃寧無富貴花一稜金粉映桑麻要看人世真黃紫不
在洛陽姚魏家

○醉杜圖

熊兒前扶驥子後穉女捉燭跋門久天吳紫鳳本顛倒醉

眼何辨孰身首。任它布衾冷如鐵。老脚今夜蹋欲裂。臣甫
得爲醉眠人。可忍至尊尚蒙塵。

○○昌黎像

筆底江河走蛟龍。龍文之鼎力能扛。手築孤壘連鄒嶧。身
當二氏百萬敵。元濟庭湊等嬰兒。搯關口本優爲慢。膚
大腹面渥丹。非是江南夜宴韓。渾噩姚姒盜眉宇。二十八
宿照萬古安囑畫工更傳神。爲佗被髮騎麒麟。

○○東坡贊

金甌缺陷東北角。天將秀氣鐘巴蜀。腹蓄大峨雪。陸離流
爲長江萬屈曲。光苾自堪雄百代。不借一枝金蓮燭。大海
長風拂疎髯。咲看狂濤浴天蟾。久矣人間倦遊戲。磨蝎蠶
叢兩夢甜。拂衣而逝呼不答。英魄寧爲群兒繫。長畱嬉笑
怒罵痕。咳唾滿地任人拾。

○放翁贊

傾盡眉州紅玻璃。萬里霜蹄託醉思。歷歷散關與渭水。空
使戰雲生研池。浙水春風豈不好。回首永昌陵上草。中州
英靈誰主張。漫使范揚伍此老。老眼耐視小朝廷。矮紙斜
行向窻暗。恨不使君橫槊大河北。僕役李汾與劉迎。

寓居正對東山諸峯詠懷古跡七首

其一

萬箭刺河漢。盪摩雙日光。野腥龍戰敗。原暗鹿奔亡。華萼鹿闌亂。戈鋌天地荒。傷心如意岳。夢卜墮蒼茫。

其二

曦影動崔嵬。先鞭誰得回。仇讎覆巢盡。信越建銳來。虎鬪成人利。猴冠亦霸才。可憐騅不逝。一蹶壯圖傾。

其三

旌旗凋不颺。艮岳日將沈。蹉跌復京志。蕭條趨越心。鑿輿南北坼。鐵馬雪霜深。仰止英雄恨。茫茫一整襟。

其四

勤王兵可檄。運餉豈無途。天子心腸薄。將軍筋骨枯。曾塗

五宗血難挽。六龍但一詔。猶哀痛殘雲。護鳳雛。

其五

定霸唯三萬。煙塵來自東。指揮無甸衛。部曲盡英雄。戈戟荆榛豁。旌旗日月紅。伯符先入洛。志業竟難終。

其六

諸侯盡蒲伏。七道合瓜分。戰伐從心筭。飛騰兆掌紋。獼猴曾掠國。豚犬豈承勳。唯見雞林馘。蓬蒿有獨墳。

其七

囊跋狼無患。螫飛龍有雲。牲書齊五命。鞭弭晉三軍。鳥止於誰屋。民俟獨此君。獻俘猶在眼。駟介簇湖濱。

文房七詠

初冬夜淡讀書偶見餅花嫣然可愛為作詩顧瓶側
諸物皆習使令者不可無詩遂各贈六句

花瓶

銅膽樣

讀書過丙夜燈花油永竭照看瓶中花燈影明半頰會心
時一顧渠亦開咲靨

硯

紫箕緣眼形為海龍

一研二十年曾伴我修史同我閱興亡墨綉在肌理所慙
不疇勞日給數勺水

水滴

三足蟾蜍

研傍銅蟾蜍瞠目缺一足蹠踔恰如我世路寧堪躅吐吞
萬斛泉脣吻成古絲

鎮紙

水晶蹲螭

水精彫蹲踞故人曾贈余不伍龍熊巽妄想久已除蟠屈
明素心祇應鎮我書

研山

豫產

兩峯如削成一峯懸欲墜拳大具洞壑時見吐雲氣誰知
研池側迤邐南海翠

筆洗

蠻物古銅含師所貽

高僧輟銅鉢花紋翠穿骨使我中書君覆心沐其髮問汝

盛庚癸何如黑波凸

畫卷

明王嶼江南春曉圖

一幅小江南橫披畫春曉桃花千萬株睨視紅未了此中
可逃世誰言尺縑小

○謝伊丹原生贈酒

乙酉之夏丹人介生索書餉兩大有樽余寄其一欲及竭取之已而

播之行歸途取書從取會連船綱載而東總得殘餘生周旋甚勤

丹陵有佳友兩尊潤吾筆窮人愧大豐偏取寄其一幾句
饜族醴家壘竭不恤歸路先馳書此時已齎栗陳醞盡輸
束新醪蓄未出臘槽壓庚癸春甕蓋丙戌譬如函秦中空
國繫甌越亦如長平民其孤未燥髮苦乞出祕藏為我屢

詩卷八

屈膝新募發閣左歷敲七十室大尊如正兵堂堂遲幾日
別餉一小瓶奇騎貴急疾圍城望援旌枯魚免涸轍得書
方長至呼鐙回暖律一滴如劍戈四面凌冰雪淡醇見君
情鳴謝豈無述

大和遊仙詞

扶桑葉間金鳥躍一葉陰蔽赤縣國四百餘州夢未醒群
仙卯飲看海色大甌小甌炊瑞穗稻姬釀酒神皆醉三郎
為釣棘鬣魚鬣掀春潮飛萬珠遙知阿政眼欲眩徐福船
帆低不見

阿鯤草書詞

東海女子阿鯤九歲善草書從父來遊平安 諸王
攝籙往往召觀遂抵

上皇御覽賞賜禁罽酒杯等其父索詩紀榮爲作小詞五闕
與之

阿鯤作草是天才嫩掌掀翻海浪堆前身親覩醉僧訣自
那墨池飛出來

誰把嬌鬟喚做鯤果然生翼上 僊閣平生楚馬游絲筆
磨墨 天池濃有痕

宮女如墻擁練裙爭觀玉腕掃千軍簾前落墨

龍顏笑五色雲間別起雲

纖纖五指走秋蛇 賞賜磁杯玉絕瑕 天澤和霜堪潤

筆中描十六瓣黃花

柔荑握筆太慙生右蹙左盤傾座驚書罷嬌呼索餘紙一
雙春勝手按成

四皓圖 以下十九首並題畫

淮南陣雲鋪地墨不如四叟白鬚色能使迺公望斂手便
覺孺子坐生翼英雄畜眼無丁字心知輕重賴節士培養
士氣四百秋休論扶劉是滅劉

題百蟲圖

翅暈金碧蝶夢長鬚黏紅英蜂衙忙螳螂攘臂亦嬉戲蝦

蟆怒目適嫵媚應是螺贏負螟蛉細聽如聞類我聲蟬抱
蓮房戀墜粉知倚冷露潤喉吻飛翹端動天機同一幅生
意毫末中展向晴窗娛吾目不省吾亦爲深蟲

題富岳圖戲翻秋玉山先生詩蓋謂在我邦人當言
如此

帝掬芙蓉雪置之赤縣西凝作崑崙山敢欲較高低

又

帝掬芙蓉雪拋作崑崙山雪汁卽黃河卻向東海還

孟母斲圖

息吾嘔乾熨唔咿墜緒茫茫在這兒誰道七篇經緯業不

由阿母手中絲

寒拾

曾攜一帚出人間浩劫塵埃欲掃難不識自家機已漏卻
將饒舌罵豐干

墨牡丹

興慶春深醉阿瞞晴烘金粉露初乾萬蹄捲地東風惡吹
黑天香玉一欄

莊子夢蝶

胡蝶莊周孰是非枉齊物我費心機不如此夢終無覺趁
絮穿花隨意飛

詩佛老人竹

天民爲竹若爲詩妙處天成不自知不論胸裡無成竹醉
毫到紙一枝枝

画山水

航浮秋水人三兩僕買村醪路熟生怕渠失卻停篙處移
向柳陰缺處橫

又

眼裏古人無數腕間秋兔一枝點葉樹身小米著皴山骨
大癡

又

紅塵紫陌無夢黃葉青山有家迎客撥書容坐遣童汲水
煮茶

又

大點濛濛小點沈險糜到紙惜如金千年爭擬糊塗筆誰
會南宮用墨心

題自画山水

舐筆寧追畫匠群研池剩墨愛清氛撐腸書卷爲何用結
作蓬蓬幾幅雲

黃樹青林對小欄最佳山紫水明間吾家卻欠丹將碧水
墨唯描一色山

石榴芙蓉合圖

經霜敲破水晶粒映水枝堆蜀錦窠
老本憐秋冷淡此中富貴奈多何

復月作畫併題贈承弼

老樹陰中溪水鳴隔樹溪光晚倍明
安得清涼如此境蕉衫藤杖伴君行

從弟燾寄木雍小幅山水索詩

雲煙半縑闊一尺尺書併寄索題墨
展看紅塵十丈裡眼明認是鄉山碧
酷似繪波山前路潮落漁村跣可渡
又似北城水竹鄉明星寺在水一方
何時撈蛤燒蘆葦何時呼

渡立沙尾自是不歸歸便得
聯騎款段會有日

題海棠白頭翁為從弟

相呼白頂映花枝吹老東風也不知
記取故園春好在暮年定有聚頭時

詩僧希鈍周忌詣其墓

瘦骨飄蕭尚宛然風輪不往忽周年
霜紅已敗池中樹落葉淡邊葬浪僊

子慎信侯各歸其鄉時余刪改舊著外史方成

儒餐鮭菜共酸甘別路驪歌各北南
甘歲殺青書纔就一宵浮白酒方酣
合離朋友繫吟夢興廢英雄供醉談
緒業

正憑諸子在燈前愁指髮毵毵

山

山陽遺稿卷之一畢

山陽遺稿卷之二

賴襄 子成著

丁亥

元日

通衢車騎客駢闐負郭門庭柳起烟料峭春風簷馬曉糝
糊臘雪紙為天青陽又閱王正月白髮終成我暮年自笑
清狂猶似舊觀梅有約欲周旋

詩集卷之二

元日六言

曆改五更三點歲逢二首六身賀春窮巷無客几上梅花
獨新

題劍稜主人茶籃主人不解飲

梨花蕉葉無分石鼎風爐可娛家有青州從事翻然嬖使
酪奴

題畫

南垞北垞春雨足隔水青山如沐浴知得江水長魚苗江
亭誰與傾春醪日暄東風吹江皺柳色未如水色綠

詠史

帶霜旌旆自東還。頓覺群兒肝膽寒。屈指英雄存碩果。回頭海宇歛狂瀾。馬貞終得黃裳吉。狼跋何傷赤鳥安。休道西人謀大錯。天教介冑換衣冠。

京寓迎杏坪翁賦呈

叔每甘忙任媿。閑相迎無物解歡顏。十旬投足鶯花海。廿歲埋頭案牘山。訪勝每論晴雨外。話情多在醉醒間。紅殘又及課耕節。西顧愁君俄欲還。

奉母及叔父遊嵐山

春蟾無魄吐瓊華。閏歲山櫻翹較些。幾片香雲明夜峽。十分月色五分花。

嵐山峽口第三家。三度侍輿來看花。花已依然母無恙。慈顏紅映幾重霞。

小阮吟詩大阮眠。同澆磊砢共陶然。一瓢已倒春宵短。花壓溪窻月在天。

遂奉遊芳埜

前度尋春花已闌。今來暖雲照人顏。十年纔補平生缺。奉母重遊芳埜山。

侍輿下阪步遲遲。鶯語花香帶別離。母已七旬兒半百。此山重到定何時。

疊疊春山別有天。花開花落鎮依然。可憐萬樹香雲暖。曾

護南朝五十年。

藏王堂感大塔皇子而作

錦幟東風草木馨崎嶇幹蠱見威靈天閣養虎書難達土窟屠龍血已腥萬里長城壞宗子百升明月逼前星滿潮簪笏衣非白誰為君王言建寧

談鋒

回合岡巒氣勢騰輝煌金碧廟廊層風雲一體君臣業山背誰請天智陵

○過南都般若寺大塔皇子所匿也二首

門題般若寺猶存猶憶延秋避賊奔貝葉應為雲五色駭

畫卷八十二

迷肉眼護龍孫。

土窟雲腥日蔽明付刀賊手斫維城收來六十餘州鐵大

錯如斯打不成

唐羅紹成自慶共牙後悔之曰盡收六州四十三縣鐵打此大錯不成

全家奉母及叔父遊江州諸勝由志賀越

澗流泱泱鳥聲低山翠迎人幾曲齊不似逢關關下路避

牛避馬踏新泥

奉母閑遊盡挈家後先奴婢啞啞穉孫同載板輿裡露

面輿窻喚阿爺

牧牛兒圖

六朝草色夕陽殘一笛風聲昨雨乾龍蟠虎踞山河固孰

三

與吾儂牛背安

蘇小圖

西泠柳色翠模糊。藏得佳人。家姓蘇。何料嬌名藏不了。卻
遭畫手寫爲圖。

○畫山

青山一座翠沈沈。萬態浮雲自古今。橫側任它人眼視。爲
峯爲嶺本無心。

寄題備後神宮寺寺和氣清磨姊法鈞尼所建

法燈何獨照千春。阿第擎天挽日輪。不似李家歸異姓。卻

由煮粥焚鬚人。唐李勣事

劍稜主人來京旅次無酒可飲乞余所蓄余所蓄卽
其所贈也戲贈之

君家釀萬石不救今日渴。豈無京酒賒甜濁。欠香辣向我
乞一瓶。拜手語茁軋吾酒。君所贈清勁如劔拔。他人不分
勺敢不補。君闕呼妻取於罍。瓶溢金波凸到家。猶兩宿下
寧戒擔卒神龍未及水。尺寸難自達。涓滴乞於魚魚。寸待
龍活猶望歸。汝湫沛雨荅濡沫。

○吾莊二首

壓墻高柳是吾莊。迎客方烹梅子黃。一水數家供婢汲。朋
尊斗酒有妻藏。南鄰未請杜真率。東野原容韓木強。拋筆

推窻爲小醉。東山歷歷半斜陽。

背城面水。是吾莊六歲。栖遲未覺長。柳舊吾栽。已過屋筍。非隣逆。亦穿牆。卷中龍戰筆。難了門外蠅。營人自忙。顧笑孤寒。無所恃。書成欲向底山藏。

○○修史偶題十一首

黑鼠黃雞兩忽諸。終看冠冕被狻狙。苦心描寫成何事。一部東方相斫書。

蝨冊紛披烟海濶。援毫欲下復沈吟。愛憎恐在英雄跡。獨有寒燈知此心。

千歲將誅老姦骨。九原欲慰大冤魂。莫言鉛槧無權力。公

議終當紙上論。

磨墨輕冰在研池。坐知雪意壓燈垂。寒窻筆削豐家傳。恰

到韓城墮指時。閉門修史榻將穿。獨醉旗樓解指卷。晚日蒼茫軟塵赤。大

猿處定何邊。一字兵機判暗明。誠奇峽正迭相傾。窻篁月黑風吹動。代

寫啣枚度水聲。卅方言皆帶血痕。龍挐虎攫事紛紜。保元寫徹慶長尾。自

覺筆邊生瑞雲。龍戰曾經八洲迹。鷦巢終審一枝安。卻收當日投餘筆。自

寫千兵萬馬看

二十餘年成我書。書前酌酒一掀鬚。此中幾個英雄漢。諒得吾無曲筆無。

野史亭前無數山。某岡某阜事相關。倦來拋筆時呼酒。歷歷興亡指點間。

芥馳時好枉辛酸。書就寧能博一官。故相何心來索取。亦應冷處閉門看。

讀韓蘄王傳

江淮草木畏臥虎。黃天蕩裡轟天鼓。廟堂隻眼輪女兒。向君手中奪大斧。三字獄壞萬里城。滿腔不平聊一吐。盡忠

報國誓斷金。渠銘在膚吾在心。青鞋忽裏登壇足。絕勝君家漢淮陰。

○○卽事

鴨河月黑水聲長。留客溪亭日把觴。坐久鄰樓人語罷。一燈以外夜茫茫。

夜讀清諸人詩戲賦

鐘譚駮蛩真衰聲。臥子拔戟領殿兵。牧齋賣降氣本餒。敢挾韓蘇姑盜名。不如梅村學白傳。芊綿猶有故君情。康熙以還風氣闢。北宋粗豪南施精。排冪群推朱竹垞。雅麗獨屬王新城。祭魚雖招談龍嗤。鈍吟初白豈抗衡。健筆誰摩

藏園壘。硬語難壓。甌北營。倉山浮鷺筆。翰舌心。怕二子才
縱橫。如何此間管窺約。唯把一袁。概全清。渥溫覺羅風氣
同。此輩能與元虞爭。風沙換得金粉氣。骨力或時壓前明。
吹燈覆帙爲大笑。誰隔溟渤聽我評。安得對面細論質。東
風吹髮騎海鯨。

浪華橋納涼

萬人聲裡夜如何。月到天心露氣多。豪竹哀絲船柳比一
江無處著金波。

題桃花放牛圖

相喚年年始出欄。休爲周野建纒看。吾農唯愛春郊好。相

映紅桃黑牡丹

詩佛來訪

霞光破碎水粼粼。此際敲門恰有人。傳刺山妻忙辨酒。卅
年耳熟老天民。

十二媛絕句

紫式部

靜女高風冠內家。何唯彤管逞才華。相公百事原無缺。不
折一枝淡紫花。

清少納言

暗記長慶亦等閑。蝦鬚一捲解龍顏。誰知雜纂臨摸手。當

喚釵裙李義山

妓王

舞衫歌扇帶新愁，強把榮枯等水沤。
他日嚴霜摧萬木，幸然埜草早知秋。

佛

誰知蔡澤出蛾眉，奪寵辭榮轉瞬時。
紫石稜稜似秋鶻，見機卻不及家姬。

常盤

垂髻從行走，足胼胝懷裏尤憐泣。
凍兒雪底鷹雛爪，如鐵養渠它日擊梟鷄。

鞞繪

料峭東風凍鐵鱗，冰肌賤血淚妝新。
粟津有勝烏江處，從騎中猶著美人。

千手

燈暗琵琶強試彈，楚囚自作楚歌看。
可憐胡蝶真情種，一觸春風戀牡丹。

靜

雄風東起急煽萁，草木一時頭盡垂。
獨有柔荑撓不得，當筵未肯侑君卮。

尼將軍

菱花買夢意殊深。雙鳳孤鸞忽古今。人死千年已酸鼻。自屠豚犬更何心。

柁原婦

纖手貪攀幾片霞。將軍亦解惜韶華。不知何事教夫婿。折盡連枝棘萼花。

勾當內侍

不管關西十六州。春寒鴛被領溫柔。君王誤賜蛾眉斧。割棄河山不復收。

楠母

強收畫哭淚。縱橫努力鷓鴣雛。九萬程姑奪家傳。殉國劍爲

君護此小長城

○問管翁病不及而終賦此志痛四首

治裝忙上路。聞病遠關心。暮宿追星見。宵征送月沈。吾行雖意憚。父執念恩深。冀及少間日。猶陪微醉吟。

聞病趨千里。中途得計傳。不能同執紼。顧悔晚揚鞭。舊宅枵依約。空幃燈耿然。傷心臨沒語。待我託遺編。

忘年呼小友。知己獨斯翁。推輓菑場上。拔離官網中。一尊時燭拔。千里屢郵筒。寂莫文章事。細論誰復同。

會栽記花木。手畜識鵝鳧。觸目皆堪涕。辭門未作驅。新阡勞顧望。舊校慮荒蕪。分手勉孤子。肯能堂構無。

○○阿彌陀驛址備後守兒鳴軌長死義之處也

天子之詔手翻覆將軍之教邱山重手裂教書禦虎威備
後老守真忠勇拔刀剖腹出熱腸老脚冑接狐鼠踵熊山
東望鹿子河廢驛猶喚阿彌陀自有兒郎期范蠡沼吳有
志復蹉跎成敗何可論俊傑助盜分利終如何誰將大筆
旌此老豐碑高照山陽道

長尾訪小野泉藏

醉倚闌干野日斜秦川一派繞君家秋江亦有春江樣愛
個魚苗似荻芽

燒山

嶺缺朝陽射店頭土鐺烹茗氣浮浮山村知得霜來早柴
粟豐肥已裂毬

○過厩戶皇子廟

驛冒班鳩號廟祀豐聰神能聞絕域教其聰誠絕倫如何
咫尺際袞充君與親龍血流幄座諉之宿世因憲法知何
律縱釋弒逆人是非一顛倒眩眯八洲民醜聲流宮壺謬
論行摺紳膏血浚黎庶丹臚壓紫宸倒持喪大柄橫流沒
舊津姦雄悔悖逆假之蔑君臣作俑定何者流毒竟無垠
寸舌寧救濟萬髓既彌淪誰爲民社計勿循覆車輪

重陽在仁壽山校

住著村莊旬日來重陽誰與共啣杯野人籬落佳風日又有黃花數朶開

發仁壽山留別諸子曼前遊韻

滿山草木翠差滾回首前遊歲月侵一漑自知無所益可憐老圃植栽心

胄山歌

胄山昨送我胄山今迎吾默數山陽十往返山翠依然我白鬚故鄉有親更衰老明年當復下此道

○○拜織田右府塑像引

日出處日墜地鯨鱈食人飛生翅扶桑大樹安在哉紫垣

縱橫萬髀髀祖宗有靈生英雄手挽狂瀾扶瑞穗大事垂成身顛躓遺像空留北郭寺寺門滾嚴老木青吾來肅謁弔英靈粉墨剝落帳龕暗檐過霰聲寒日冥欲歸雲陰忽解駁面鬚可窺梢隱躍雙眉中蹙見性急兩頰下殺知福薄唯見隆鼻洞睛爛巖電英來襲人難仰看金閣寺等持院曾識奕世將軍面豈有一個堪敵戰嗚呼不如此何以定禍亂想見群雄盡膝行狼顧脅息懼醢烹畜狗反噬奴復仇威愛之報兩分明君不見後霸匡國誰不師君者王國藩屏皆部下唯見猴郎侍其左願倩塑工盡貌其餘豐頤大耳森列坐

○三條橋行

三條橋分七道路。六十州人來如鶩。鴨河暴漲厓欲裂。此橋屹倚盤石固。見道石柱之礎入地深五尋。螭頭不朽精銅護。誰其造者曰豐臣。天正十八歲庚寅。維春正月乃成。役。雕銘十行字如新。壅流抉出蛟鼉窟。鞭石出血誰逡巡。按史正在其正月。公實奉敕事東伐。元戎此處方啓行。鯨背如拭受旌鉞。騎步十有五萬兵。鎧仗映日太鮮明。想見假鬚助威容。縱觀擁橋九陌傾。目中時已無八國。驅率群雄如奴僕。久矣靖州路不通。手執節刀剪荆棘。然後熊皮搭矢皆聚橋之東側。君不見整頓乾坤有數公。提挈同成

太平功。長城漢倚秦皇帝。汴壘宋賴周世宗。興代不沒前世績。不然銘文毀已空。如何俗儒小人腹。希世偏要罵織豐。誰肯著眼讀銘辭。唯見蹄輪日西東。吾來摩挲暫延佇。觸柱水聲與我語。

飲粟田口旗亭

牛蹄車跡路泥濘。檠戟東西各作林。獨酌悠然閱來往。馬周今日已灰心。

桂川所見

雨添寒漲岸痕遙。紅樹青林路一條。村叟入城歸到晚。驅牛過水自過橋。

神田實甫至

衰揚陋巷鳴河陰。喜得相思重遠尋。階卸泥鞋寒雨濕。窻搖風燭夜雲深。病鷹宵失翻飛志。老馬猶存騰躍心。耆宿凋殘吾輩在。莫教兩鬢雪徒侵。

同實甫伯免遊糺林分謝茂秦老樹得秋早余得老字

墜葉滿店無人掃。地僻高樹得霜早。曾記洗盃店脚流水落。林根欲倒滿城摺。紳不相知還有酒家識。此老一醉高吟。蹋月行樹影稀疎。歸城道。

題或畫露根蘭

所南用筆意須論。黃壤青黎竝不存。六十餘州萬年土。何邊不可託芳根。

送雲華師適尾張

鈴關卓錫蹋新霜。宮港買舟撐枯葦。欲隨君行行不得。君如鴻鵠吾蠹蟻。一日三秋况闊絕。問君留滯其日幾。猴郎虎兒皆彼產。知君遍弔英雄鬼。日長一線歸去來。勿及雪沒金鷓尾。

上總忠光

刀鏃餘生變舊裝。依然國士鐵心腸。隻眸何誤仇讎面。故倩魚鱗亂電光。

渡部競

佯甘羈絆列新班，奪士何如奪馬難。
皮上不煩施烙印，舊恩銘在肺肝間。

題八幡太郎過勿來關圖

春風吹旆白央央，多難關心道路長。
滿地腥塵未全掃，馬蹄愧蹋落花香。

題佐佐木四郎騎渡菟道圖

噴鏜春漲叱驕龍，一躍先登誰競雄。
卻識官途波浪險，著鞭勇退急流中。

○論詩絕句二十七首

萬首琳琅任手揮，詞鋒未脫白家圍。
皮毛擺落天真見，一掬恩香在御衣。

春宮一種曉鶯音，竹裡何如御柳陰。
日出君臣佳話在，燕泥惹禍彼何心。

衣中廿八顆明珠，風雅終然墮筍蔬。
出類故當推絕海，指揮如意掣鯨魚。

橫梁吟驅北海濤，敵城屈膝拜旌旄。
肯為救勒歌和淚，霜滿軍營雁影高。

髀肉生時白髮多，殘軀不樂亦如何。
老龍獨眼窺唐域，唱出升平第一歌。

拋劍援毫豈等閑。現身欲列古仙班。領他三十六峯碧。卻乞殘烟向五山。

正德諸公盡出群。駭雞雄雉各爭文。翻空千仞求威鳳。當屬筑州源使君。

白石滄浪書牘存。詩中高略用朱門。誰知麗藻非假偽。前輩文章本細論。

曰角宮商音響浮。句中義味未滾求。一生不解子遷好。兩岸秋風下二州。

羽橋何及玉山光。野鷺家雞枉抑揚。不解藁砧鴻雁語。勝他太白對流黃。

儻儻縹緲恰相宜。猥瑣何堪被肉絲。欲把金丹換凡骨。試吟南海竹枝詞。

海內文章落布衣。偶然七字是珠璣。登高唯有梁翁賦。解道連雲秋色飛。

濟南選法本澶漫。抉剔何須後手刊。金篦不醫徠翁眼。猶從五里霧中看。

萬卷撐腸筆有神。空疎何敢議前人。始知翰墨關詩運。文化何如正德春。

歷城何及慶陽才。偽體從來欠別裁。竹垞漁洋渾不省。復爲滿口說袁枚。

浪速城中朋盍簪。猶從嘉萬索金鍼。茫茫混沌新穿竅。唯有多才葛子琴。

泥犁口業未成空。呈佛祇當彫琢工。拷叟草廬家數小。鉢盂還出涪南翁。

朱絃疏越愛鏗鏘。風格誰爭老禮卿。天句寧無排幕力。終然五字是長城。

虎鳥龍蛇耳怕聞。褊裨空憚勒千軍。論衡帳裡家家在。開闢誰稱武景文。

河叟憐才如海涵。種桑養就吐絲蠶。可知樂易心遙契。前學香山後劍南。

自號詩佛意如何。千偈瀾翻任口哦。教化縱然非廣大。濟人不墮阿修羅。

學吟爭願五山知。寸舌權衡海內詩。卻恨管絃非太曆。嬌喉不索十郎詞。

拍袒為詩有別才。空腸直吐性靈來。稜稜吟骨無收處。埋向空山土一堆。

時好遷移如循環。百年唯闢宋明間。誰從唐尾占閑地。西有竹田東柳灣。

織女機絲巧剪裁。江湖數子各仙才。誰知白兔迷離眼。卻竊蟾宮靈藥來。

闕疑

評姿群觀宋元膚論味爭收中晚腴斷粉零香合時嗜問
君何苦學韓蘇。
文章於世本纖塵。唯恐頽波沒舊津。欲掣鯨魚無氣力半
生徒被喚詩人。

食華臍魚歌

有魚有魚名華臍。美哉其名誰所題。蟹團麝香誇不得。味
壓玉膾與金齏。京城天寒價如璧。故人獲雋會饒客。爐紅
鼎沸下鹽鼓。銀盤新堆臘雪白。雪片鹽晶搖未消。急嚼齒
閒鳴瓊液。肝如黃酥膚紫茵。遍體華腴知名允。聞汝口舌
待食來。可憐翻到我唇吻。切葱擘橙助精神。頓覺四肢回

春温。咲他世人嗜河豚。脆美亂真如鄉原。嗚呼汝豈與渠
陰狼同。外雖醜。內純融。口蜜腹劍李林甫。何如吾見嫵
媚魏鄭公。

山陽遺稿卷之二 畢

山陽遺稿卷之三

穎襄 子成著

戊子

築室三首

八分樹竹二分家。庇得琴書已覺奢。卻向東南贅一室。要

將三面看梅花

斬新書室壁纔乾。唯恨先人不及看。壁上施釘新挂下數行遺墨淡闌干。

小似燕巢營贅壘。曲如蟻穴鑿傍空。多開窻牖供三伏。要納東西南北風。

○雜詩

山城春淺乍陰晴。疎霰過簷窻日明。屋外梅花開幾許。東風聞在紙鸞聲。

題紀氏草園

種柳栽花十萬家。東風各自競榮華。不如負郭無心草。先

向閑園茁綠芽

○○拜

桓武陵十八韻

天潢初正派。帝運昔方中。寧樂十許朝。至光仁桓武始復天智之統。襟帶山

河碧。規模日月紅。遷都詔。有城山河襟。都城跨龍虎。將帥馭

羸熊。方略從懸算。驅攘制遠戎。一隅清獠羯。九鼎奠穹隆。

累洽生三聖。平城。嵯峨。淳和。皆帝子。同寅貽數公。藤原內麻呂緒嗣等皆簡遺。紀

綱趨叔季。堂構忽岐豐。撞壞群兒手。陵夷烈祖工。扶持無

輔弼。竊據有女媧。指六波羅室町。王座分南北。民瞻各異同。兩都分立。

人懷幾經兵馬踐。纔發稜氛蒙。默佑成回復。宏圖見始終。

言逆古變亂為治玉魚光壟壤。寶氣貫雲虹。萬戶烟炊外。一杯荆棘叢。地祇防穴蟻。神胤庇斯螽。誰處平安地。平安之名亦定於當日敢諼延曆功。樵蘇詢隧道。檜柏認靈風。率土微臣意。陳詞薄鞠躬。

又

十萬人家烟火蒸。龍蟠虎踞勢峻增。不知耕鑿由誰力。春草茫茫延曆陵。

○贈卷弘齋

曾看指法太端莊。羅綺叢中忽共觴。銀燭烏絲寫腸斷。煩摹婀娜十三行。

○留堯佐話

春灘雨輟水聲聞。春月行天夜有雲。吾貯一尊君且坐。瑞香香裏細論文。

大和萬歲樂圖

擊鼓其鏜非用兵。素袍烏帽表升平。具瞻日出真天子。萬戶東風萬歲聲。

老坂

纔過一坂是丹波。昨雨乾時泥雜沙。燕語呢喃留客住。李花林裏十餘家。

揚妃教鴨鵝圖

玉碎香飛不得歸，馬嵬碧草血痕肥。
慧心不省他年夢，還把金經教雪衣。

題雪堂翁臨大雅山水

栖託猶嫌塵事侵，幾層青嶂寫淺深。
雪堂何襲霞樵筆，唯有雲烟契此心。

過福井氏

綠樹環軒昨雨乾，牙籤插架許抽看。
何來香氣襲緇帙，花發一盆金粟蘭。

桃竹刀鞘引山根士慎遺物

吾有三尺護身刀，久藏未有飾其室。
長州桃竹工絕妙，織

成爲鞘勝髹漆微也歸長託齋去何料奄然因羸疾關心
遺草散不收刀在何處何暇恤剝啄到門致一函拆封蒼
龍啓蟄出有友代述生前語經營纔就鞞鞞鞞季扎掛劍
爲死者死者爲生難於扎憐渠孤孽自磨礪學成欲試忽
一蹶有如此刀百鍊鋒未出其室鋒鏑折又如此室斐成
章未稱刀用倏相失刀兮室兮宛在此之子生死長相訣

題石靖節集陶句

廣江大聲得小石肖人衣巾面目頗如画家所傳陶
淵明像索詩於君夷及余君夷詩盡焉余無可言卽
集淵明語塞責

情通萬里外高操非所攀時時見遺烈我欲觀其人形骸
久已化言笑難爲因一形似有制不知幾何年問子爲誰
歟欲辨已忘言天容自永固靈府長獨閑我心固匪石聊
且憑化遷將去扶桑淚復得返自然語默自異勢安得不
爲歡摘我園中蔬淹留忘宵晨一觴雖獨進千載乃相關
土佐童子龍學我書賦贈言小技不足誇可助親歡
勝他嬉戲耳

晴日輕風坐在家明窓弄翰侍爺爺紙爲竹馬渾閑事自
愛毫端掣黑蛇

題辛夷爲昌藏院師

一株木筆對僧櫬個個含苞動晚風莫道仰天爲底字大
藏万軸亦書空

桃源春曉圖壽某官人四十

強仕抽身志願迂桃花流水夢空徂將朝猶早焚香坐閑
看武陵春曉圖

○寄懷內藤士謙

鴻鯉迢迢浮復沈孤燈遠夢兩人心報君志豈衰年減思
友情於別後深遙識長吟獨呼筆喜聞短髮尚堪簪駝橋
鴨水宦遊跡相遇何知無再期

題畫爲亾友山根士慎

霜縑曾許寫新圖。何料幽明忽異途。塵沙劫隔雲烟影。畫
樣能稱汝意無。

山茶

暄日微霜乍放晴。可憐寒萼隔窗明。憶曾榻談禪坐靜
聽一花花落聲。

○送族弟綱歸鄉

折節憐君惜寸陰。旅窗燈火共研尋。一家添補讀書種。十
里周旋扶老心。橋梓影孤歸路遠。烏烏聲樂故林深。北堂
吾亦衰親在。陟此常愁霜雪侵。

○夜訪信侯呼星岳又至

市灯稀處叩君門。浚巷初乾梅雨痕。香認盆蘭發魚子影
知階竹出龍孫。毀譽到耳休深問。文字橫胸要細論。更喜
佳朋隔街住。呼來每得咲顏溫。

讀書八首

吾髮猶未白。早已擲華簪。未能住林壑。杜門紅塵浚。豈無
友朋締。俯仰非所任。言笑雖云樂。謗譏動侵尋。率意時觸
諱。飾情亦等瘖。不如還讀書。有人獲我心。

開室灌木裏。軒窗洞南北。薰風生其間。衆鳥鳴不息。鳥言
無毀譽。寧說喪與得。喜彼門外事。不到几榻側。披吾架上
書。持映木陰綠。遙遙千載人。如覩乃顏色。收卷爲一笑。此

心唯自識

今朝風日佳。北窗過新雨。謝客開吾帙。山妻來有叙。無祿須衆眷。八口豈獨處。輪鞅不到門。饑寒恐自取。願少退其銳。應接雜媚嫵。吾病誰砭箴。吾骨天賦予。不然父母國。何必解珪組。今而勉齷齪。無乃欺君父。去矣勿聒我。方與古人語。

吾生千載後。而求聖賢心。聖賢亦人耳。肝腸無古今。其言本平易。傳者故鑿深。坦坦亨衢內。故生荆棘林。安得羸皇火。重除蕪穢侵。泥沙若不淘。烏能覩精金。

治亂自有漸。海宇數分裂。挑灯閱汗青。歷歷如眉列。深思

窺其倪。此意向誰說。燈花如有心。向人落復結。

東山何藹藹。夕陽發紫色。鳴水收微瀾。縈回展白玉。鳧鷖知日暮。相喚歸汝宿。吾亦收吾書。戒婦開尊醪。河鮮自可烹。竹筍自可斲。就吾東軒下。一杯聊相屬。

築室鴨水上。插柳纔數尺。來往方六年。其高已過屋。上枝栖鳴蟬。下枝拂浮鷺。中枝映吾几。翬陰書可讀。仰看樹如此。歲月如流速。

吾思善清行。封事敘意見。彌縫忠邪閒。塵免連罪譴。又思江廣元。濟時見權變。幕賓實別當。朝銜虛大賸。二子洵可慕。不囿儒林傳。遇時展所學。千載見其面。榮辱交乘除。利

祿疑依戀。不如草莽士。湮沒全介狷。

戊子夏秋之交詠園中草木示從遊子弟擬東坡先生而非盡然也

盆盃菽幽蘭。抽華忽數莖。莖紫蕊含綠。漸變白彭亨。一朝破其類。遠香漾軒楹。人才同卉植。育養期華英。函容雖愧狹。滋灌務節程。茁然吐芳馥。豈不娛吾情。

鑿池蓄泥腴。種藕方出荷。卷葉如傾蓋。稍高展旗牙。傍更出一葉。非葉乃是花。苞荅如羅敷。護此紅玉芽。有根斯有華。此理誠不差。囑汝休速開。欲如何。

月季每月開。籬落衰風露。剪故出新芽。英華由激心。一月不剪伐。葉茂花不吐。因循學薔薇。引蔓附他樹。外慕不自立。莫乃失故步。

盧橘與梅花。不借天噓喻。吐英當寒沍。結實冒雨濕。未可調鼎鼎。品貴金光擘。石榴亦可喜。不爭群芳急。晚出乃驚人。一花點萬葉。纍然經霜露。未遽折汝頰。誰言面皮粗。中貯千玉粒。

飲于星岳新居

九街聊僦讀書櫺。小室疎簾苔氣馨。隣樹過牆借荔鬱。井泉溢缶喜清泠。一尊催汝開新綠。雙眼迎吾展舊青。噓噓塵埃息。鵬翼休爲容易徙南冥。

題介石翁絕筆畫松竹遺言囑題於余

石翁描石還描竹竹石相俛太有情記得留吾竹溪處烹
茶石上聽秋聲

兩株松樹翠沈沈老穉交柯翠色淡不問龍鱗成與否忘
年曾契歲寒心

余與王香遊嵐山誤破其酒瓢爲補之係以詩

醉破君瓢花外村補吾膠漆尚溫存庚庚橫理君宜記亦
是春鴻舊爪痕

題大雅富春山圖

淺絳圖傳七里灘霞樵別手變孱顏石青應拾梅花片深

出富春春後山

畫鳴望岳圖

望岳於薩陞不如畫鳴快薩陞吾曾經畫鳴唯見畫尺鎌
辨方位素壁姑張挂芙蓉插海心波浪決吾背指點曾經
道迤邐如遙黛

大槻士廣西游過別話次援筆圖沿道山勢概畧代
贖題此

京畿山脈向西趨邈迤直抵肥薩隅路緣其南轉循北爲
君約略製此圖囑過赤關頻左顧先認彥山與阿蘇

○同筱承弼及諸子觀東寺古書蹟還飲于朱雀旗亭

紀以長韻

油幕裹小轎。輿病冒大雨。趁友南郭寺。聞其富藏貯。觀覽許檀越。爰居供鐘鼓。寒儒附驥尾。巾服混同侶。開士學於唐。善書非摹撫。歸航齋書籍。矮紙手錄簿。大像畫奇偉。緜幅贊七祖。大字鵲令頌。小字聖教序。圓活藏雄勁。綉帳伏弓弩。閒以飛白書。飢蛟鬪渴虎。聰明見絕人。小技益餘緒。敕章與教書。班班又難數。田券弘仁前。端楷署民部。指揮歸武人。書蹟變傖父。足利書最多。器物款建武。入犯託窟穴。報施固其所。織豐戒蹂踐。粥飯資給予。華押元帥筆。句撇頗飛舞。施主總安在。伽藍儼故堵。乃知開創謀。能勝英

雄主。書生顧蹇拙。孫謀本莽鹵。忍饑觀書畫。貪癡遭吟侮。欲進呵攬先。腳麻行偃僂。決起問酒家。同醉氣聊吐。歸轎穿夜街。灯火夜未午。瞥眼閱苦樂。一日成萬古。

○寄杏坪翁赴官三次郡

吾叔真番番。短髮尚堪簪。神明決滯獄。廉介守良箴。催科自知拙。括囊每愧瘖。豈戀名爵好。欲報恩遇深。倚君鎮蠹動。輿病度嶮嶮。勞瘁雖非憚。瘡癘恐相侵。姪嘗望勇退。今則勉力擔。尺書曾努力。合符得來音。喜君平昔意。不隨跡浮沈。苟不遇盤錯。何試百鍊金。民若何足慮。魑魅識忠忱。遙知案牘暇。尚不廢詠吟。投老適得所。掃吾舊書蟬。伊叟

髮變黑。非賴三椹參。坡翁兒共樂。不憂梳榔林。野老餉山藥。訟庭聽春禽。臥閣耿燈燭。獨眠不愧衾。聊寄一尊酒。遙遙向雲岑。凜冽澆磊砢。應知老姪心。

○十三夜竹洞山人到留酌

金波依約動欄頭。呼酒煩君且小留。莫道桂輪猶未滿。風清月白卽中秋。

○十五夜草堂小集

雨濕秋香簷際飛。病軀怯冷下書幃。去年兵庫驛南夜。月隱檣竿猶未歸。

檐聲漸歛月依稀。送客臨階呼客歸。應待萬家歌吹罷。一

輪徐自放明輝。

信侯至自省鄉

都門甘桂玉。忽然思鄉閭。咕嗶惜烏兔。爺孃已桑榆。就我決其計。理裝速上途。乃母謀軟腳。乃翁笑掀鬚。每書說衰憊。謁見喜豐腴。淹留無多日。團樂樂有餘。鄰叟借漁具。行釣舊溪魚。手調供甘旨。齋半還贈余。所愧抗顏面。父師誼不殊。挑灯談歸況。一一想歡娛。吾亦存老母。欲省路太紆。前月得一信。不知今何如。

拜藤納言藤房埋髮冢

黑頭非是不勝簪。薙削誰知用意深。漢王土終歸姦賊手。空

埋曲局念君心

九日同伯免信侯輩登吉田山
擾擾萬人家。依依九陌樹。怪此軟塵中。亦容吾輩住。

書楠公碑本後

嗚呼忠臣楠子墓。五百年後見七字。想見當時拔劍日。裂
背黑風吹血糝。天地厲鬼果能鑿。此賊天定論定誰異議。
朝廷闕旌典。藩服表死義。况鐫蕃客文。未知忠魂慰。唯有
題中署贈銜。近衛中將正三位。猶係延元天子賜。

九月十三夕同檀園賦

風露秋心老。杯觴酒力微。延明還秉燭。喚婢又添衣。紫割

簞花熟。青烹豆莢肥。詩成已淡夜。隣院肉絲稀。

○書朱舜水楠公碑陰贊後

碑面題學延陵墓。碑陰字類多寶塔。忠孝日月詞感奮。頌
贊非由臭味合。亡國之臣附驥尾。有脚東海不枉蹋。包胥
淚盡和墨汁。扶桑萬紙空傳揭。回頭緬甸落日紫。應羨芳
山延五紀。猶勝能書張瑞圖。曾碑生祠媚閹奴。

大風行

歲在戊子維秋中。八日九日天大風。風來自西南。海上肥
前筑後當其衝。怒浪大齧穴門破。防蕪次第來擊撞。掌大
雨點撲人腥。雨邪潮邪聲洶洶。大屋掀撼人盡走。小屋併

人飛入空、大木倔強姑抗拒、力竭戰敗斃老龍、烏鳥失其
巢、駢死孰雌雄、陸已如此况在海、萬編四散失所在、吳船
葉碎越船破、雖然可修又可改、歐邏巴船號、浮城吹之上
陸陷地底、募能引拔致於水、賞以互市利一載、愚民莫應
涕滂沱、曰何必恤、喝蘭陀、吾屋盡破、吾田無禾、無緣出常
科、何况供倍多、金銀宮館成旋圯、奈此封姨降嫁何、君不
聞貞觀中海溢肥後沒郡六、大鳥來集宰府屋、朝廷惶懼
問大卜、權帥少貳各陳策、水田課耕緩貢調、停止交易務
儲蓄、嗚呼古人太過慮、何不坐食駭鯨肉、

夢岳歌爲仙臺郎監櫻田權大夫

君曾夢富岳、果過富岳足、未曾夢叡山、還至叡山麓、叡山
二十減富岳、不敢入夢意、可識憶昨三峯宛、然如舊識霞
標、生面亦娛目、嗚呼使君生天正前、縱夢何瞻其項與肩
况過其足、到中原、泰治有澤又君恩、吾聞君藩先公志、吞
八埏、知必夢岳及叡山、其奈有人著先鞭、後來來觀每搯
拳、不如君有宦遊樂、決皆盪胸意悠然、君不聞此西更有
阿蘇有霧嶠、雖不及岳各自妙、或又入夢相呼召、求視何
如叡山峭、恐無官事可託行、夢與不夢兩有情、

題畫

山頭雲氣藏瀑水源何許思詩終不成愧襲謫仙語

讀後赤壁賦十月望作也

西湖未必勝東坡團練曹閑早放衙不得簽書還亦好攜
魚攜酒上浮家

○信侯至同賦

鄉閭迢遞夕陽沈抱病芸窗且永唵鮫鱗拍浮波浪惡蠹
魚生死歲年深紅塵何處可藏骨綠酒幾人談此心大阮
謫居消息絕遙憂冰雪謾相侵

題清水寺閣雨景

花外水聲加攔頭雨點集及他羅綺散靜看胭脂濕

含公獲宋槩阿彌陀經請余跋之以銅蓮筆架潤筆

甚精雅賦此志喜

蓮葉偃還仰蓮華舒復屈古銅誰摸貌華葉交凹凸下有
一蟹伏歛螯護顛越一根金色種來自阿耨達置之寫經
池可以架不律吾師有墨痕芳香雜髮弗徵余跋芬陀輟
贈潤吾筆抽詞思欲枯鍊句機未失幾度倩汝肩停毫擁
吾膝借其出水氣庶覩芙蓉發

臘月廿六日訪信侯分坐上所有爲韻余得燈

殘年僅五日九衢累雪冰人忙我得閑攜酒問吾朋吾朋
無僮僕調食坐復興謂君且莫爾此事非君能徵逐豈無
伴朱門酒如澠不如從吾黨世路謝峻嶮蔬藪足侑醉街

鼓已鼕鼕餅中水仙萼吐香夜清澄論文品千古聊共同
此燈。

山陽遺稿卷之三畢

山陽遺稿卷之四

賴襄 子成著

巳丑

元日

去年殘燭影微微今歲朝陽來到遲四十九年非與是依
違宿醉未醒時

詩卷四

題畫

春寒臥我廬看此春山圖欲題新句去研凍不容書

細川賴之

養成弱主身宮戍拔得強臣眼裏丁旗幟精明君莫恡清
風禪榻喚翁醒。

十一日夜飲于後藤氏歸途所見

宮漏沈沈月在空夾街萬樹玉玲瓏紫宸朱雀知何處三
十六宮春雪中

上元送添川仲穎東歸

客程新曆日文會舊窻櫺寒在梅華碧宵淡蠟燭紅離觴

上元酒歸轎半春風。還遇昌平友。能談及此翁。

雲華師來吾書課未了延之別室

爐火通紅湯沸鎗。瓶中梅萼數枝明。付君清福能消受。更向窻間著雪聲。

再與仲穎話別

青燈綠酒自情親。明日行裝趁路塵。游歷當追少年日。文章方遇太平春。意中桑梓程猶遠。望裏芙蓉雪正新。老病尋常重離別。未道天涯如比鄰。

春寒詞

雪裏烏輪凍不飛。紫鳳蹙翼半棲機。春蔥尖尖紅玉屯。不

任金鍼縫春衣。碧窻梅華同愁絕。哥蜜一瓶曉欲裂。試調眉暈脂水凝。紅霞上臉知何日。

浪華邂逅草場珮川。珮川訪余於備後。去今二十年矣。

黃葉斜陽已廿年。軟紅塵裡再駢肩。半生飄蕩成可事。看我新霜上鬢邊。

○西宮與雲華師會次其韻

驛亭燈火依微影。官道籃輿鴉軋聲。共向鄉園君較遠。幸然同此十餘程。

、途上

埃樹風生日欲曛。驛亭買飯雜沙塵。十年九過山陽道。唯爲家鄉有老親。

播州鶴龜邨店

寒漪倒影兩三家。一樹山櫻未著花。竢我侍輿東上日。要看暖雪壓檐牙。

○省鄉五律二首

聞雞辭旅店。裹足度山陽。殘雪二丹白。連峰三備蒼。春寒麥苗短。日薄爨煙長。心愧平生學。何謀濟歲荒。

求朋方北學。省母又西轅。坐轎累民力。移郵猶國恩。遙雲迷雪色。初日法霜痕。人語鄉音雜。方欣近故藩。

播備之際懷古

播山備嶺互盤陀。扞賊三郎事可論。不挽君鄉兒嶋口。卻放船軍過海門。

過廉塾

驛門右折路橫斜。亂柳疎篁舊隱家。鳧鴨不知人已逝。猶隨流水唼梅花。

○尋杏翁三次官廨

巒容攢地谷。水勢赴山陰。吾叔衰遲久。斯鄉瘴癘深。遙攜一尊酒。欲慰七旬心。對醉春燈底。雪明檐外林。

吾嘗獻家叔磁杯攜之南遊誤破更補及歸省齋往

再獻

隨君遊芳野。獻君以酒卮。云是廣東窰金骨。土為肌。恃其
墮不碎。攜將上厓屨。輿夫手誤壓。毀損嘻難追。綴補存痕
迹。適足記當時。夜酌菟川驛。卯飲藏王祠。尤憶千株店。泛
花傳相持。今來遠省覲。囊齋充歸遺。盈之切思君堅剛性。比
似金質磁。軀殼無少虧。貯神醇不醜。苟無外患虐。不須丹
液醫。保護子姪責。承歡及期頤。

○子晦從弟上計趨國府與偕卽事

雪汁增春漲。雨聲來夜船。逆流篙力竭。上陸炬明牽。同汝
舟輿路。思吾韉年。暗泥行已過。驛酒再陶然。

漢辨亭憶昔

重乘漢辨驛。南舟憶伴吾。翁趨石州垂。髻在苒成霜。鬢三
十二年。如水流。

○題司馬仲達觀武侯營址圖

死諸葛。生仲達。吾能料。生不料。死此語。大癡乃。小黠卻有
天下。奇才目足見。姦雄心真服。壽曰管。蕭流甫曰伊。呂儔
後儒。贊頌雷全耳。不若公論出敵讎。

○吉田驛感毛利典厯事作

舍舟夜投吉田驛。心記江公創業跡。猛雨打輿暗箭集。河
漲聲闐萬刀戟。朝起山河列眉明。策杖獨尋公墳塋。塋上

老木槁不死。隧道深嚴華表峙。仰瞻城墟連雲起。山開鳥翼襟河水。冑山在背猪山面。果信北軍墮計裏。援軍孤壘在其間。形勢頗殊舊閱史。當時眼已無二家。終使十州拱旗牙。河堤西指嚴鳴路。想見出師誅豕蛇。風濤雷雨助號令。百怪惶惑避義戈。請詔復仇真偉舉。黃金撐斗擎日車。乃祖酷肖荀文若。此公卻類孫討逆。大兒如虎小兒龍。亦如江東權與策。休比輿擯入洛陽。頗似納籍歸汴梁。錢氏福與趙家長。公才什倍武肅王。洒掃不廢齋。曹在恨無碑文託雪堂。來拜者誰外臣裏。家世生長公舊疆。少脩私史諳公事。今日墳前始辨香。土非行次民力薄。經營四外餘

裕綽。勤儉富國無磽塔。鼓舞強兵無羸弱。玉帶名馬好不存。一生唯有用士樂。嗟哉真英雄。主不可作。

十八日至鄉明日先考忌辰志感

懷鄉來遠道。展墓及斯辰。不寐映明發。具慶思昔春。行筐齋茗酒。薄奠助繁蘋。喜見新男婦。尸饗秩祭儀。

或獲方廣寺瓦用爲燈籠索詩

髣髴桐花記阿滕。參差翠縫想觚棱。憐無功德庇孫子。一片殘鱗籠夜燈。

與坂井生小飲

萱堂省病一旬多。芸閣論文半日過。菜甲梅花春幾許。酒

光燈影夜如何。通家兩世寧疎闊。舊業三餘要切磋。及子
衿青當努力。看吾鬢髮忽皤皤。

侍母東上舟中作

吾行準擬及花開。倩得輕舟破浪來。欲罵春風太慵懶。布
帆終日不離桅。
一篷掠過白鷗煙。臥閱青山總可憐。聞得舟人呼飯熟。船
窓推醒阿娘眠。
閒傍拖樓傾濁醪。舟人分座且酩酊。遙呼漁叟買紅鬣。活
撥鮮鱗不受刀。

嵐山

奉母嵐山第四回。板輿未到已花開。春風畢竟舊相識。留
取殘紅待我來。

粟田戡作似送行諸子

把酒旗亭別送人。禽聲草色太平春。攜妻挈子同從母。非
是流民是逸民。

鈴鹿關

泥帶殘紅雨點斑。全家聯轡度春山。追思十六年前事。衝
雪獨過鈴鹿關。

路上

東過鈴鹿路平平。旅服方逢連日晴。滿地春風行不盡。菜

花黃雜紫雲英。

河碕舟赴雙鑑浦

春帆不嫌緩舍轎就江灣暖靄二河郡斜陽雨勢山此行
從阿母何處不鄉關到岸投村店鮮魚醃醉顏

五十鈴川

平地生雲氣參天壘木陰萬年神在處兆庶子來心此水
流今古何人測淺深姦雄欺齋胄不遁大陽臨

雙鑑浦觀出日歌

金烏新浴大東洋帶濕朱輪未吐芒參山遠山猶宿霧海
濤漸作赤金光三萬六千中一日來此始見全日出瞬息

飛升難正視乃信催吾白鬢髮今日春盡欲呼觥傳語羲
和且徐行

還由伊賀路

幾宵投宿軟塵中路轉山村見古風迎客小庭新灑掃當
階一樹映山紅

上野黑門是寬永中渡邊氏復仇處

伊賀城頭西閭門復讎有跡恍血痕仇人騎馬魚貫過挺
刃一呼褫渠魂姊夫慷慨謙從義脊令原寒同雪寬一水
西渡是嶠原苗時投宿館猶存吾來挑燈思往昔想見淬
刃候曉嗷嗟哉士風猶使薄夫敦寬永之俗今誰論

○兩伊道中書感

膏腴負海郡。形勝要路津。支封擅一國。嶮扼帶嶙峋。高穎非隋士。趙普本周人。相時助新主。効謀等舊臣。殺削藩鎮力。能使策驚馴。陰贊太平業。流澤被生民。有功當食報。享富豈無因。弱末終傷本。隋宋勢或均。至計久必弊。變通要歸仁。九原如可作。此意向君陳。

○笠置山觀 元弘行在所作歌

巨靈手拔地骨起。怪岳萬尺爭層累。豎者爲櫓橫爲墻。天作高城淹天子。元弘之元秋八月。龍旂憑險事倉卒。黠賊蟻附緣間道。一敗蒙塵更播越。普天何人非王臣。誰赴

急難來竭蹶。猶賴祖宗在天誘。帝心夢賚異材是良弼。君在臣敢死。臣在賊滅可指日。唯願君心終始一。笠山南望芳埜山。再狩之駕不復還。君玉唯忘在此兒。九仞一簣真可惜。吾來慷慨憶當時。時認石巔鑿礎基。藤公傳勅楠公跪。此處是耶未可知。居民爲我指村墟。爲賊鄉導實由渠。至今猶不通婚嫁。童孺唾罵斥如奴。嗚呼蚩氓猶能辨大義。寄語人間士大夫。

至家乃雨

十日閒遊盡朗晴。薄陰昨作好丹行。一尊今夜軟吾腳。穩臥南窗聽雨聲。

下江同小竹主人及諸子訪半江居士居士新獲明
人書七言絕句在壁依其韻同賦是夕雨居士留我
宿焉

雨澆簷樹綠扶疎。點滴聲中酒味餘。醉欲眠時人盡去。真
成高枕卽吾廬。

遊泉州與竹半江二子偕

秧鉞青老麥。芒黃滿路薰。風衣袂揚攜。得佳朋行。且語天
鷄聲。裏日方長。

○鹿跳澗是湖水瀉出爲溪之處以鹿跳可渡名焉已
丑五月侍輿往觀紀以詩

太湖三萬頃。其水西南傾。五州怕魚鼈。難拒勢建瓴。護之
以山壑。厓岸互拄撐。輪寫漸弗猝。譬如酒出罌。有餘乃溢
出。湖面無縮贏。脈脈過菟道。混混赴茆渚。長橋虹霓跨。大
編羽毛輕。誰信尋其口。裁如一溝橫。偉此造物巧。萬古安
群氓。近聞有獻策。決開利舟行。湖船可通海。運漕捷路成。
咄哉挈餅智。敢欲鬪巨靈。

日野亞相公辱臨恭賦奉謝時老母來在京寓

不須村巷戒傳呼。小隊來過草閣蕪。劍佩有香來研席。門
庭無地納車徒。闈中寧剪陶姑髮。竹裏方攜嚴武廚。朝退
太遲當卜夜。未辭執燭起鵝鳧。

木鷄至

倒屣相迎笑輾然呼杯欲待夕陽天借君冰簟借君枕向
我溪亭姑一眠

題雪堂書

柳絲雨脚共斜斜一傘枝撐風力拏太似鴨兒川畔路衝
泥昨日訪君家

題謝安東山攜妓圖

紫翠鉛華兩愜情自疑起臥繫蒼生誰知淝水震天鼓猶
似嬌絃脆竹聲

重陽侍母飲壁上挂先君畫菊十六年前此日在家

所賜感作

曾將今日省嚴親爲寫黃花醉墨新侍母畫前強作醉比
身非復具慶人

中秋赴岩碕氏招飲得照字

看月何處好莫若湖上妙住京十七秋佳期遣每少君家
踞湖壩迎吾恣臨眺更許將吾母欣然行侍轎憑檻瞰淪
漪斜陽在遠嶠月出樓之側湖面已橫照要看冰輪全更
命桂舟漂洗杯蹙金波併月酌相醕一輪行萬頃天水澹
不搖紅塵窺玉兔此興會遙料今秋屬大風怒號發萬竅
秋禾偃還起未至騰糴糴人安我亦安風月足吟嘯佳境

承新歡。誰不開口笑。不辭風露霑。月傾未返棹。

絕句

京城迎母半年留。月白風清何處遊。待我板輿三十里。借君湖閣作中秋。

風露霑衣眠未成。小欄干外月空明。湖魚亦識人猶醒。跳破金波夜有聲。

聞天民五山遇災作此歌弔慰

天憎五山穿天心。月疾天民出月脅。風怒其嘲雲怒晒。花木蟲魚嗔媒狎。協謀合圖遣祝融。雲師建旆封姨翼。天民同災玉池魚。黎棗半燒灰滿甕。最痛五山罹酷禍。未刻稿

本空幾篋。半生吟嘍珠奇語。鉛槧數改防躑躅。何圖天翁久睥睨。囊焚積聚奪素業。君不見君曹詩已傳萬口。沁萬脾。何論六丁下搜搯。筆底之詩猶可焚。胸中之詩不可劫。萬累掃空。唵身在裸臥。天地眠。賒賒徐起咳唾。三千首清新。更如水出峽。題曰己丑災後集。精明一變換舊法。譬如曹瞞赤壁歸後養生兵更臨大江耀戈甲。

讀南北史小樂府十二首

非是田舍翁。草間英雄起一麾。蠅拂手生擒數天子。問耕不必奴。問織不必婢。何以禦佛狸。唯恃長江水。龍箭射君臍。紗帽被君首。作事須及熟。莫落他人手。

肉中終有血一死知所處寧將一家物推付一家去
得失皆自吾吾知亦分明何倩短腳漢蹋我金甌裂
長江雖天塹已付韓擒虎猶有景陽井個中亦樂土
惡人如惡馬蹄齧不足慮獨此賀六渾不受君駕馭
誰教鮮卑兒解遣紹宗來高王定未死悔擲大行臺
渭曲多萑葦誰爭黑獺居如何事潛匿不祭江河魚
生憎盲老公手能翳明月百升陷入地冤血剗不滅
關西有男子不爲降將軍卻降騎虎者操戈剪宇文
獨孤豈誤我奈此天數何縱立見地伐未必異阿婆
送母西歸觀楓箕面坂上大塚二氏爲導

紅楓相映醉慈顏侍得歸輿未直還今歲此游堪壓尾攜
來佳酒看佳山

送母路上短歌

東風迎母來北風送母還來時芳菲路忽爲霜雪寒聞鷄
卽裏足侍輿足槃跚不言兒足疲唯計母輿安獻母一杯
兒亦飲初陽滿店霜已乾五十兒有七十母此福人閒得
應難南去北來人如織誰人如我兒母歡

書感

去年西海道風波駭鯢鯨更聞姦猾民外交輸國情今年
東海道火災半都城元老不慙遺奈何此蒼生恐虞憶寶

永凶饑念天明。今秋賴有稔三農。喜餘羸吾行徑山陽沿
路方西成。甌窶篲已滿。汙邪車已盈。簸揚糝沙礫。晒曝乘
霽晴。民心應蘇息。物價止踊騰。旻天眷祖澤。運蹇復扶傾。
腐儒餐粗糲。冀可歌太平。

竹原

出塘盧橘尚依然。自別音容已五年。猶憶書樓留老姪。笑
談連夜每遲眠。

上隴

蕭然旅服始離船。來拜墳塋松柏間。飄蕩天涯已衰鬢。未
知埋骨向何山。

堯佐奉檄將東來別于尾路

衣袂初日換青衫。槍號寒風拂綠沈。話別江關年欲暮。促
程函嶺雪方深。後來官跡爲何狀。前路交情獨此心。剪盡
夜燈論出處。曉窻過雁亦哀音。

題畫山水

泉懸雲樹間。幽寺在溪處。欲往山蹊遙。經聲雜水語。

韓信過胯圖

委蛇全初年。岸異蹶末路。如何噲等肩。不及屠兒胯。

張良受書圖

其意不在書。時機教先赴。先據函谷關。先塞成皋路。

舟赴玉嶋維而上問泉藏信病見送賦謝

漕渠一脈路逶迤攜手長堤步午暉此水還如故人意迎
吾來到送吾歸

舟中有作

回指親庭隔夕暉關心家室卻京畿蓬窗有夢常分背不
似征帆一向飛

回頭

仰頭瞻胄山回頭望兵庫萬帆指華港重城出烟樹迎母
已此路送母亦此路送罷獨束歸吾心乃西悲妻兒待我
明要我獨奈慈顏乍離違願母長生吾健在迎送此路無

窮期

海陸小詩二十四首

綿衾薄如紙夢覺曉燈青知有先吾發門前過馬鈴
芒鞋半欲穿堠樹生暝色微醉擘霜柑寒風奪酒力
姬路城樓高英雄據此起謀臣曾記名契合如魚水
酒店養鬻兔樵橋過去牛兩又問首路古者走因州
纔過榛州盡黍州路又難平郊望城樹認得是岡山
途長苦日短數與歸牛遭登登村樹盡太白向人高
土鼎茶方沸茆簷霜始乾病夫艱蓐食十里乃朝餐
山頭書殘日山脚起爨煙行客怯長堠輿夫愁短錢

連車載蕙苾傳驛催丁夫舊尹東歸處坐輿皆僕奴
捨號白氍毹知渠毛利氏山陽過十州盡是祖宗地
行人喚渡航沙步連村市曾灌高松城心知此水是
一嶺界封疆瓦光包海氣病檣森似林京信有來未

右陸路

枕底聞波聲不知是何處歸鄉夢未續舟子夜相語
船尾動晨爨揭篷風撲面已過柞原城城墻隱復見
有月挂高帆無風動急櫓篷窻聞犬聲應是來牛浦
幾網征鞋破一帆歸艇速船窻指來路遙在連山北
烏檣笠子罔粉壁甕兒罍歸思雖如弦尋明當一到

唯罵行舟遲不知去國遠應教鄉夢成蓬兩孤眠穩
泊舟還不惡溫酒呼漁子棘鬣活欲飛京城寧有此
屋鳴平如屋粟峰雲髻鬢不待舟人指知是讚州山
後帆追未及前帆勢欲騰行至潮門處帆影疊層
山色青模糊波紋紫破碎殘陽光已收猶在一帆背
家遙斷雁邊船守下碇處鄰有筑前船揚揚峭帆去
卸得帆無恙呼來杯有情穿鞋猶帶醉大地可橫行

右舟路

為橋元吉重寫耶馬溪山水圖

沒跡紅塵十二年雪泥鴻爪已茫然心裡溪山青未了爲

君展作半縑烟

冬夜強哉至同賦

霜威收水語。夜色壓燈花。喜汝雙鞋道。尋吾獨樹家。詩思老益退。酒味寒方加。問字無多暇。何辭到曉鴉。

又

土瓮浮春蟻。銅餅插水仙。杯盤同靜夜。霜雪已殘年。詩每落入語。醉誰居我前。名場甘獨退。望汝著先鞭。

送柘君績歸河內

北風吹雁群。一雁獨南飛。雖得棲病所。奈與朋侶違。長思子孤子。童齡向我依。父視雖有愧。子育且絳幘。游息每提

詩卷ノ四

挈風零。又浴沂。木國暑隨輪。榛城寒執鞿。擇師研舊技。磨礪導進機。松菊慮荒廢。粉榆告言歸。田廬先業在。未憂寒與饑。多暇親書卷。十日九掩扉。離群雖睽願。同在斯邦畿。郵傳非太僻。書信未應稀。有才多嫉怨。無恆難巫醫。忠篤行蠻貊。寧憂州里譏。志進而身退。吾言當佩韋。

君績將歸畫林莊雨霽圖贈之係以詩時己丑臘月也

墨心黯澹寄離情。好在先廬想穆清。雨足山田春未及。一林晨影讀書聲。

題鶴

十七

蘆荻託棲遲江湖垂羽翼平生萬里心
鳥雁渠何識

除日

紛紛帳簿婦當家殘歲真如赴壑蛇
不問計餘餘幾許眼前有酒有梅花

山陽遺稿卷之四 畢

